



Inatsisartunut ilaasortaq Doris Jakobsen, Siumut
-/Maani

Nuummi Ilulissanilu mittarfiit tallineqarnissaannut pilersaarutit pillugit § 36 naapertorlugu apeqqu

19.08.2009

Asasara Doris Jakobsen

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

Inatsisartut suleriaasianni § 36, imm. 1 naapertorlugu apeqquaqaatit
Naalakkersuisut tiguaat.

Apeqqu:

”Nuummi Ilulissanilu mittarfiit tallineqarnissaannut pilersaarutit Naalakkersuisut
unitsippaat?”

Akissut:

Aallarniutigalugu apeqquaqaativit akineqarnissaata kingusinaarnera
Naalakkersuisut ajuusaarutigissavaat, tamannalu sulingiffeqartoqarneranik
pissuteqarpoq.

Naalakkersuisut maannakorpiat Nuummi Ilulissanilu mittarfiit tallineqarnissaannut
aalajangersimasunik pilersaaruteqanngillat, kisiannili suliassaqarfik taanna
Nalakkersuisut equmaffiguarpaat.

Qaarsuni mittarfik pillugu § 36 tunngavigalugu apeqquaqaativit akineqarnerani
oqaatigineqareersutut, Naalakkersuisut pingaartippaat najoqqutassat
pigineqareersut tamarmik atorineqassasut, aammalu oqallinnermi angallannermut
ilusiliaq angallannermit kisitsisinik inuiaqatigiillu aningaasaqarnerannik
nalilersuissuteqarluni naammasseqqammersoq tunngavigineqassasoq, taanna
angallannerup ilusilerneqarnissaanut periarfissanut assigiinngitsunut atatillugu
aalajangiinnermut iluaqutissatut sakkussaavoq.

Taamaattumik Naalakkersuisut, ammasumik oqaloqatigiinnissaq aallaavigalugu
Kalaallit Nunaanni angallannermut ilusiliap saqqummiunneqarnissaanut
Attaveqatigiinnermut Ineqarnermullu ataatsimiititaliaq qaaquaa.
Saqqummiussinnermut tassunga atatillugu Nuummi aamma Ilulissani mittarfiit 1199
meterimut tallineqarnerannut ilusiliap misiliutitut atorineqarneranit inerniliussat
assersuutitut saqqummiunneqassamaarput.

Naalakkersuisut tassa Nuummi Ilulissanilu mittarfiit tallineqarnissaannik aalajangersimasunik pilersaaruteqanngillat, kisiannili ilaatigut angallannermut ilusiliap atornera aqutigalugu periarfissanik malinnaapput.

Ikinngutinnersumik inuulluaqqusillunga

Jens B. Frederiksen